

Na osnovu člana 22 Statuta Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj 2/10 – prečišćeni tekst), Skupština Brčko distrikta Bosne i Hercegovine, na 63. redovnoj sjednici održanoj 4. septembra 2024. godine, usvaja

**ZAKON**  
**O IZMJENAMA ZAKONA O ZDRAVSTVENOJ ZAŠTITI**  
**U BRČKO DISTRIKTU BOSNE I HERCEGOVINE**

**Član 1**

U Zakonu o zdravstvenoj zaštiti u Brčko distriktu Bosne i Hercegovine („Službeni glasnik Brčko distrikta BiH“ – prečišćeni tekst, broj 5/23 i broj 7/23), u članu 72 stavu 2 tačka e) mijenja se i glasi:

„e) lice koje je pravosnažnom sudskom presudom osuđivano za vršenje krivičnih djela na kaznu zatvora u trajanju duže od šest (6) mjeseci;“.

Iza tačke f) dodaje se tačka g) koja glasi:

„g) lica koja imaju 65 i više godina života.“

**Član 2**

U članu 80 stav 1 mijenja se i glasi:

„(1) Za direktora javne zdravstvene ustanove može se imenovati lice:

- a) koje ima najmanje visoku stručnu spremu (VSS) VII/1, koeficijent obrazovanja minimalno 240 ECTS bodova;
- b) najmanje pet godina radnog iskustva nakon sticanja visoke stručne spreme;
- c) koje pravosnažnom sudskom presudom nije osuđivano za vršenje krivičnih djela na kaznu zatvora u trajanju dužem od šest (6) mjeseci;
- d) koje ima manje od 65 godina života.“

**Član 2**

U članu 83 stavu 3 tačka b) se mijenja i glasi:

„b) ukoliko više ne ispunjava uslove potrebne za imenovanje;“.

**Član 3**

U članu 85 stav 4 mijenja se i glasi:

„(4) Za zamjenike direktora javne zdravstvene ustanove mogu se imenovati lica:

c) koja imaju najmanje visoku stručnu spremu (VSS) VII/1, koeficijent obrazovanja minimalno 240 ECTS bodova;

d) koja imaju najmanje pet godina radnog iskustva nakon sticanja visoke stručne spreme;

c) koja pravosnažnom sudskom presudom nisu osuđivana za vršenje krivičnih djela na kaznu zatvora u trajanju dužem od šest (6) mjeseci;

d) koja imaju manje od 65 godina života.“

#### **Član 4**

Iza člana 188 dodaje se član 188a koji glasi:

#### **Član 188a**

##### **(Izuzetak od primjene)**

Odredbe člana 72 stava 2 tačke g), člana 80 stava 1 tačke d) i člana 85 stava 4 tačke d) ovog zakona ne primjenjuju se na lica kojima u momentu stupanja na snagu ovog zakona traje mandat člana upravnog odbora, direktora i zamjenika direktora.

#### **Član 5**

Ovaj zakon supa na snagu osmog dana od dana objavljivanja u Službenom glasniku Brčko distrikta BiH.

Broj: 01-02-4873/24

Brčko, 4. 9. 2024. godine

**PREDSJEDNIK**  
**SKUPŠTINE BRČKO DISTRIKTA BiH**  
mr. sci. Siniša Milić, s. r.